



Las «omlettas cun izuns e glatsch da nuschs» fan queidas ed il recept ei d'anflar el cudisch da Fatmir Spescha.

FOTOS MAD

Raviolis da capuns à la Fatmir ni maluns interpretai da niev

Fatmir Spescha da Danis ei in cuschinier passiuau ed ustier cun tgierp ed olma. Per dar vinavon sias ideas e siu plascher ha il menader dalla gastronomia ella casa da tgira PUNTREIS a Mustér, scret in cudisch da cuschnar cun recepts grischuns ch'el ha interpretau da niev.

SUSI ROTHMUND/FMR

«Quei ch'jeu seregordel level jeu daventar cuschinier», di *Fatmir Spescha* che habitescha cun sia dunna *Nathalie* e lur quater affons a Danis. Cun 15 onns ha igl um - ch'ei oriunds dil Cosovo - bandunau sia famiglia e la patria per immigrar en Tiaratudestga tier in aug. Igl empreh ha il giuven luvrau enzacons onns el la gastronomia per allura far igl empredissadi da cuschinier en in hotel da tschun steilas a Düsseldorf. Leu ei siu plascher per ina cuschina elevada vegnius svegliaus. Suentar ha el luvrau en differents hotels, en ustrias ed el catering en Tiaratudestga.

S'inamurau ella Svizra

Il 2009 ei il cuschinier vegnius en Svizra per luvrar a Breil nua ch'el ha era empriu d'enconuscher sia dunna. Il giuven Cosovar ei per dir aschia s'inamurau gest treis ga: numnadamein ella Svizra *Nathalie*, ella tiara ed ella cuschina dalla tiara. Ensemen ei il pèr lu ius a luvrar en hotels a Jhun, Lenk, Zweisimmen, Laax e Flem. A Val sogn Pieder ha *Fatmir Spescha* luvrau tschun onns sco schef da cuschina e cuschnau per treis restaurants. Leu eis el per l'emprema ga vegnius undraus cun puncts da Gault-Millau. «Quei temps erel jeu bunamein memia ambizius e fixaus silla lavur e mia dunna ha stuiu frenar mei empau. Aschia sun jeu daventaus il 2018 menader dil sectur da gastronomia ella casa da tgira PUNTREIS a Mustér», raquenta igl um da 44 onns. Leu bagì el in temps da lavur pli reglau ed aschia temps per la famiglia. La cuschina dil Cosovo riguarda *Fatmir Spescha* praticamein mai. Tratgas dil Cosovo prepari sia dunna duas, treis ga il meins e l'entira famiglia gaudi quei. A casa cuschnin onms. «Sch'ei sto ir spert cuschnel jeu, autruisa mia dunna», manegia il cuschinier riend ed aschunta che sia dunna seigi culs onns daventada ina buna cuschniera. Ad ella ha el dedicau siu cudisch gest cumpariu en romontsch e tudestg e che porta il teler «Tratgas indigenas en niev vestgiu/Einheimische Gerichte anders präsentier».

Recepts dalla tattas

Sfegliond el cudisch culs recepts ch'ien dètg sempels da cuschnar suenter e contemplond las fotos fa quei gust d'empruar ora in menu ni l'auter. Oravontut denton da degustar e magliar. Per la realisaziun dil cudisch ei *Spescha* vegnius sustenius da sponsurs sco la casa PUNTREIS, la Lia Rumantscha ed auters. Il cudisch biling cuntegn perfin in glossari romontsch/tudestg ed ei senz'auter era adattaus



Fatmir Spescha ei in cuschinier passiuau. Quels dis ei siu empreh cudisch da cuschnar cumparius.

per emprendre ni perfeziunar il romontsch. Ei dat recepts per presipas, spisas principalas e desserts. «En miu mingadi professional hai jeu la pussivladad da discutar cun tattas e tats davart las tratgas da pli baul, d'emprendre d'enconuscher novs recepts e da cuschnar els a mia moda», declara *Fatmir Spescha*. Aschia anflan ins per exempel il recept dils «izuns da Sedrun cun panna cotta da timian» che vegn preferius cunzun en Tujetsch ni la «tuorta da nuschs dalla tatta da Barla».

Schnicschnac plai buc a tuts

Sias interpretaziuns novas e modernas dalla tratgas tradiziunalas evocavan all'entschatta tuttavia buca mo resuns positivs tiels cussadents dalla casa PUNTREIS: «Jeu sun daventaus cunscients che nossas cussadentas e nos cussadents apprezieschan ina buna cuschina regionala, mo ch'els giavieschan ni schnicschnac ni decoraziuns surfatgas sin lur tagliar. Perquei duei il bien gust da tratgas ch'els enconuschan star el center», declara il cuschinier passiuau ed aschunta riend: «Cul temps han ei domesticau mei, mo enqualga vilentel jeu tuttavia aunc bugen els cun ina sorpresa culinaria ed empau schnicschnac.» Empau mal il

venter fetshi ei schon sch'enzatgi drovi maggi ed aromar per cungir suenter. Il canaster cun quels cungems ei denton d'anflar sin mingta meisa ella sala da magliar era sche *Spescha* puntuescha: «Per cungir cun aromar e maggi sun jeu buca daventaus cuschinier.» Ella casa PUNTREIS fa el tut il pusseivel ella gronda cuschina. Quei naven dalla mezza entochen tier la pasta per la lasagna ni il buglion e las sossas. La carn, truffels, graun ed auter cumpra el da puras e purs dalla regiun. Quasi tut vegn duvrau aschia ch'ei dat strusch vanzadiras da better. Da quella filosofia da cuschnar profiteschan sceapescha era ils emprendists da *Fatmir Spescha* ed igl entir team da cuschna. Tuttina, enqualga maunca ad el duront la lavur dil mingadi ina sfida speciala: «Perquei hai jeu giu il desideri da realisar miu empreh cudisch da cuschnar.» Naven dall'idea entochen la realisaziun ein varga treis onns passai: «Igl ei stau in temps intensiv ed ispiront. La pandemia ei vegnida denteren e perquei er'ei grev d'anflar in termin per ina vernissascha. Tonpli selegrèl jeu ussa da presentar venderdis proxim il cudisch als hospes envidai ella casa PUNTREIS e surviv ad els enqual tratga che tuts san suenter era cuschnar sez senza problems.»

TRUN



La meglieraziun funsila da Schlans ei terminada. Ella ha cuzzau bie-bein 20 onns.

FOTO HANS HUONDER

11 milliuns francs per la meglieraziun da Schlans

Il cussegl da vischnaunca da Trun ha approbau il gliendisdis sera il quen final dalla meglieraziun funsila da Schlans. Ils cuosts totals dall'entira meglieraziun muntan 11,07 milliuns francs. La Confederaziun ed il cantun han subvenziunau il project cun 8,86 milliuns francs. Las ulterieras entradas vegnan dalla vischnaunca cun 980 000 francs, privats 530 500 francs, l'ulivaziun da finanzas cun 507 500 francs sco era la vendita da terren, tscheins e divers da 188 000 francs. La meglieraziun da Schlans era vegnida lantschada 1999 ed ei vegnida terminada l'entschatta da quest onn. Il territori cumpigliu ha ina surfatscha totala da 231 hectaras. Cumpigliadas ein stadas 998 parcelas en possess da 185 proprietaris. Il diember da parcelas ei vegnius sminuius sin 415. Totalmein ei vegniu meglierau ni bahgegiu da niev 13,79 km vias.

Commembradi da Nordic Surselva

Igl avegnir duei Nordic Surselva esser in'unien enstagl d'ina cuminonza d'interess. Il cussegl da vischnaunca ha deciduu che la vischnaunca da Trun duei esser sper quellas da Sumvitg e Mustér commembra da quell'unien. La finamira dall'unien ei quella dalla cuminonza d'interess d'entochen dacheu, numnadamein da mantener e sviluppar vinavon la purschida da cursa lunga sin incarica dalla vischnaunca cumpigliadas. Culla decisiun d'entrar ell'Unien Nordic Surselva e cull'approbaziun dils statuts sedat per la vischnaunca da Trun ina nova expensa annuala da maximalmein 27 500 francs pil menaschi dalla loipa. Trun Turissem vegn a surprendre ina cumpart dil deficit che vegn adossaus alla vischnaunca da Trun. La decisiun dil cussegl da vischnaunca vegn suttamesa al referendum facultativ.

Cun clar pli ha il parlament communal da Trun approbau la lescha davart la zona da ruavs per la selvaschina. La decisiun ei curdada per mauns dalla votaziun all'urna dils 28 da november 2021. (fmr/hh)

BREIL



L'exposiziun da genetshas ha liug sonda a Breil. La «miss Tumpivi» dil 2019 ei la vacca da Silvia e Guido Bucheli-Caduff da Segnas daventada.

FOTO MAD

Exposiziun da genetshas

L'Unien da tratga Cadi envida sonda, ils 9 d'october dallas 10.00 - 15.00 alla exposiziun da genetshas tradiziunala a Breil. Igl onn vargau ha quella occurrenza stuiu vegnir annullada pervia dalla pandemia. Tonpli selegran puras e purs e la fumeglia d'alp da mussar las pli bialas vaccas allas persunas interessadas. Igeinina astga turnar cul teler dalla «miss Tumpivi» a casa? A Breil expou puras da Mustér, Sumvitg, Trun, Sursaisa, Breil, Vuoz e Andiastr. Sco *Carli Thor*, il president dall'Unien da tratga Cadi declara, dati da veser rodund 100 rguas. Speciala e nova ei uonn l'elecziun dalla «Regina dalla Alps». Per quella concurrenza vegnan vaccas ch'ei stadas ad alp rangadas e giudicadas tenor cumparsa e prestaziun. Ei dat ustria sil plaz ed in stan nua ch'ei vegn vendiu caschiel dalla alps dil circuit. (fmr/sr)